



Katholische Landeskirche Graubünden
Baselgia catolica Grischun
Chiesa cattolica dei Grigioni

MUSSAVIA

«ENGASCHAMENT CATECHET/A»



CUNTEGN

INTRODUCZIUN.....	4
SITUAZIUN DA PARTENZA	4
MASTREGN.....	5
RELAZIUN D'ENGASCHAMENT	7
CONTROLLA DA QUALITAD	8
PAJAMENT	9
PENSUM DA LAVUR.....	10
EXEMPELS DA CALCULAZIUN	10
POST DA SPEZIALISAZIUN DA LA BASELGIA CATOLICA DAL GRISCHUN.....	14

INTRODUCZIUN

1 FINAMIRA

Quest mussavia è in agid per commembers da suprastanza da la plaiv, per catechet(a)s e per plevons per emploiar catechet(a)s. Sco agid d'orientaziun accumpogna e sustegna el il process da l'engaschament e gida a sclerir dumondas.

2 SECTUR DA VALITAZIUN E LEGITIMAZIUN

Il mussavia «Engaschament da catechet(a)s» è vegnì elavurà dals manaders dals secturs dal fatg scolaziun ForModula, instrucziun da religiun e lavur da giuventetgna da la Baselia catolica. La cumissiun da gestiun da la Baselia catolica dal Grischun ha approvà il mussavia a la seduta dals 20 da favrer 2019.

Quest mussavia è vegnì concepì per catechet(a)s cun ina scolaziun terminada da catecheta acceptada, p.ex. il sistem da scolaziun ForModula¹ e che lavuran sco catechet(a)s en il chantun Grischun.

Ils secturs dal fatg e la cumissiun da gestiun cusseglian als commembers da suprastanza da la plaiv, catechet(a)s e plevons da consultar quest mussavia sco basa per l'engaschament da catechet(a)s.

SITUAZIUN DA PARTENZA

3 MODELL 1+1

Tenor la votaziun dal pievel dals 17 da matg 2009 en il chantun Grischun datti en las scolas popularas dal Grischun dapi l'onn 2012 in'estrucziun da religiun ed etica ecumena (1) ed in'estrucziun religiosa confessiunala (+1). Il chantun surpiglia la responsabladad per la lecziun emnla obligatorica «Etica, Religiuns, Societad» (ERS) e las baselgias responseschan in lecziun instrucziun da religiun (IR) per lur cartents. Il dus roms vegnan separads tant organisatoricamain sco era areguard il cuntegn.

4 PUNCT PRINCIPAL: +X

Cun il modell 1+1 e la reducziun da duas lecziuns d'estrucziun religiosa sin ina lecziun l'emna èn vegnidas deliberadas resursas persunalas sco er finanzialas. Per la Baselia catolica dal Grischun èsi impurtant che questas resursas vegnian investidas er en l'avegnir en la pastoraziun d'uffants e giuvenils (+X) en furma da projects ordaifer la scola, da catechesa sacramentala, dad eveniments, festas e.u.v. (tenor participaziun facultativa d'uffants e giuvenils). Il +X furma pia sper l'estrucziun da religiun en scola ina part impurtanta da l'occupaziun sco catechet(a) en il chantun Grischun (cump. chapitel 11 «Secturs d'occupaziun»).

5 MIDAMENT DALS PENSUMS

Il modell 1+1+X maina en il Grischun ad in midament dals pensums da catechet(a)s da l'estrucziun da religiun en scola en il context ordaifer la scola (+X, catechesa da sacraments).

¹ Inklus «Curs da catechet(a)s» sco model precedent a ForModula

En il cas che l'occupaziun na sa restrenscha betg mo sin l'instrucziun religiosa, na po in(a) catechet(a) betg mo vegnir emploià(ada) sco scolast(a) da religiun. Quai ha consequenzas sin la relaziun d'engaschament e sto vegnir resguardà correspudentamain.

6 SCLERIMENT DA NOZIUNS

Per occupaziuns catecheticas existan en Svizra differents chanals. En il chantun Grischun vegnan differenziadas seguentas furmas e noziuns:

Noziun	Direcziun/Cuntegn
Instrucziun religiosa en scola	Scolaziun religiosa integrada en l'urari.
Instrucziun religiosa ecumenica	Instrucziun religiosa respunsà comunablamain da la baselgia evangelica e catolica ch'è cristian e sa declarond.
Instrucziun religiosa confessiunala	Instrucziun religisa d'ina baselgia/confessiun, ch'è confessiunal e sa declarond.
Catechesa da sacraments	La celebrazion d'in sacrament (emprima communion, craisma) en furma da la preparaziun sin la retschavida dal sacrament; sco part da l'instrucziun religiosa confessiunala u ordaifer la scola en il +X.
+X	Projects ordaifer la scola, catechesa sacramentala ordaifer la scola, eveniments, festas e.u.v. cun partecipaziun <i>facultativa</i> dals uffants e giuvenils.

MASTREGN

7 DEFINIZIUN DAL MASTREGN

Artitgel 2 da la «Ordinaziun per l'engaschament e pajament da catechet(a)s», sa basond sin l'artitgel 2 art. 13 cif. 2 da la constituziun da la Baselia catolica, relaschè dal Corpus catholicum ils 26 d'october 2016 definescha catechet(a) sco suonda: «Catechet(a)s vegnan numnad(a)s emploiad(a)s ch'han absolvì in curs da catechet(a)s da plirs onns tenor ForModula d'in post da lavur catechetic (p.ex. dal Center catechetic dal Grischun²).»

8 SCOLAZIUN

Per esser emploià sco catechet(a) en il chantun Grischun en ina plaiv u vischnanca parochiala èsi necessari d'avair ina scolaziun catechetica (ForModula) u da pedagogia da religiun (KIL/RPI).³ Per la scolaziun catechetica èn responsabels posts da spezialisaziun da diversas baselgias. Igl è impurtant da resguardar che catechet(a)s ston avair absolvì cun success ils moduls dal stgalim correspudent.⁴ Il medem vala era per la catechesa sacramentala.

² Nov: Sector spezial scolaziun ForModula da la Baselia catolica dal Grischun

³ Cump. Rinnada da leschas da la Baselia catolica dal Grischun, ordinaziun per l'engaschament ed il pajament da catechet(a)s, art. 3, relaschè ils 26 d'october 2016.

⁴ Cump. er là. art. 3.

9 OCCUPAZIUN PRINCIPALA

Tar ils pensums principals d'in catechet(a) tutgan:

Pensum principal	Occupaziun	Context
Scolaziun religiosa	Instrucziun religiosa	scolastic
Celebraziun sacramentala	Catechesa sacramentala	Entaifer u ordaifer la scola ⁵
Confruntaziun cun dumondas da la vita, da senn e da cardientscha	+X	Ordaifer la scola

10 CUMPETENZAS

Catechet(a)s vivan e furman la cardientscha cristiana en lavur communabla cun uffants, giuvenils, scolar(a)s e geniturs. Quest mastregn pretenda seguentas cumpetenzas⁶:

Cumpetenzza persunala

- Abilitad per tschertgar, dumandar e festegiar religius.
- Abilitad da crear lur rolla professiunala adequat a la situaziun.
- Abilitad da reflectar, sviluppar enavant e furmar l'atgna spiritualitad.

Cumpetenzza sociala

- Abilitad da communicaziun clera, acceptar critica, formular constructivamain e sligiar conflicts a moda constructiva.
- Abilitad da promover tar uffants e giuvenils process da cardientscha.
- Abilitad da manar ed accompagnar process da gruppas cun uffants, giuvenils e creschids.

Cumpetenzza dal fatg

- Abilitad da vesair e chapir temas da la teologia e pastoraziun en in context social e da transformar tals en la pratica professiunala.
- Abilitad da transponer cuntegns da chardientscha a moda adattada per uffants e giuvenils.
- Abilitad da pussibilitar ad uffants e giuvenils da sa confruntar cun dumondas da vita, senn e cardientscha.
- Abilitad d'applitgar en la pratica la savida pedagogica da religiun e quella metodica-didactica.

11 SECTURS D'OCCUPAZIUN

Catechet(a)s prestan en il chantun Grischun lur lavur en ils seguments secturs d'occupaziun:

- **Instrucziun religiosa**
 - Instrucziun religiosa en scola
 - Sairas da geniturs

⁵ Catechesa sacramentala sco part da l'instrucziun religiosa en scola è pussaivla en cas excepziunals en il rom d'instrucziun religiosa confessiunala.

⁶ Cummissiun catecheta interdiocesana, Mastregn. Peil 2/3 Catechet(a), 6.

- Messas en il rom da l'instrucziun da religiun, p.ex messas da scola a l'entschatta u la fin da l'onn da scola, messas per scolars
- **Catechesa sacramentala**
 - Ordaifer la scola: Sairas tematicas, Dis da bloc, Excursiuns e.u.v.
 - Sco part da l'instrucziun religiosa
 - Sairas da geniturs
 - Messas
- **+X**
 - Projects, eveniments, excursiuns e.u.v. cun uffants e giuvenils
 - Catechesa sacramentala sco part dal +X

L'occupaziun exacta da la catechet(a) duai vegnir discutada e definada tar l'engaschament cun la direcziun da la plaiv ed eventualmain cun la suprastanza. Tala duai vegnir registrada en in carnet da duairs.

RELAZIUN D'ENGASCHAMENT

12 FURMA D'ENGASCHAMENT

Catechet(a)s duain per regla vegnir emploiads a moda inserrabla. Engaschaments sin temp èn pussaivels sche la piazza correspondentia n'è betg segirada a mesa vista, p.ex. causa annadas cun paucs uffants u sche la persuna n'ha betg las qualificaziuns necessarias.

Catechet(a)s pon esser emploiads tenor procents u tenor lecziuns. En vista al champ d'occupaziun +X ordaifer la scola èsi raschunaivel da tscherner in'occupaziun tenor procents, cunquai ch'il pensum da lavur en il rom da +X na po betg pli vegnir inditgà en lecziuns, mabain en uras da lavur prestadas efectivamain (cump. latiers ils chapitels «Pensum da lavur» ed «Exempels da quintar»).

13 RESPONSABILIDAD

La suprastanza da la plaiv è obligada tenor l'ordinaziun per l'engaschament ed il pajament da catechet(a)s da la Baselia catolica dal Grischun, da far in contract da lavur a scrit (cump. muster d'in contract da lavur en l'aschunta).⁷ Ils dretgs ed ils duairs vicendaivels vegnan definads en tal contract. Medemamain la regulaziun da las spesas: «Expensas e spesas ch'èn necessarias per exequir il pensum vegnan indemnadas da la plaiv e regladas en il contract da lavur individualmain.»⁸ Latiers è la suprastanza da la plaiv responsabla per in'engaschament tenor il dretg d'obligaziuns.

Catechet(a)s èn sutamess(as) en lur occupaziun directamain al plevon/manader da la plaiv. Plinavant èn el(las)s suttamess(as) tenor l'ordinaziun dal dretg canonic (CIC), Can. 517 § 2 er al diacon, a l'assitent(a) u ad in'otra persuna.⁹ I stat liber al plevon/manader da la plaiv da delegar pensums sco cussegliaziun ed accumpagnament ad ina persuna dal fatg cumpetenta. Sustegn chattan els tar il post da specialisaziun da la Baselia catolica dal Grischun.

⁷ Cump. Rinnada da leschas da la Baselia catolica dal Grischun, ordinaziun per l'engaschament ed il pajament da catechet(a)s, art. 8, relaschà ils 26 d'october 2016.

⁸ Er là. art. 7.

⁹ Cump. er là. art. 8.

Situaziuns da conflict èn per regla da sclerir cun la persuna surordinada, pia il plevon/manader da la plaiv u en il cas d'in team da catechet(a)s cun la persuna correspudenta. Na datti sin questa via nagina soluziun duai vegnir contactada la persuna correspudenta da la suprastanza da la plaiv. Adina pon las partidas dumandar cussegl a persunas dal fatg dals posts da spezialisaziun da la Baselia catolica dal Grischun.

14 INCUMBENZA

Il plevon/manader da la plaiv pertutgà surdat al catechet(a) en collavuraziun cun la suprastanza da la plaiv l'incumbenza per l'occupaziun catechetica concreta al lieu.¹⁰

15 CARNET DA DUAIRS

Pensums e duairs dal catechet(a) ston vegnir definads en scrit en ina descripziun da la piazza u en in carnet da duairs.¹¹ Tal sto vegnir adattà regularmain en accordanza a novas situaziuns (cump. muster d'ina descripziun da la piazza en l'aggiunta).

16 LIEU DA LAVUR

Per catechet(a)s cun in pensum da sur 50 pertschient duai vegnir mess a disposiziun in lieu da lavur adattà. Sche quai n'è betg pussaivel u sche l'engaschament è sut 50 pertschient vegn concludida in'indemnisaziun adattada (p.ex. per il diever dal computer u telefon privat) per il lieu da lavur a chasa («Home-Office»). Quest conclus fa part dal contract da lavur.

CONTROLLA DA QUALITAD

17 PERFECZIUNAMENT

Sa perfecziunar regularmain¹² è indispensabel per segirar la qualitat èn l'occupaziun catechetica. Perfecziunament po avair lieu en il sector metodic/didactic sco era en il sector da la spiritualitad ed en la furmaziun persunala. Quatiers pon vegnir nizzegiadas las purschidas dals posts da spezialisaziun da la Baselia catolica dal Grischun u dad autras instituziuns qualificadas. Il perfecziunament obligatoric per tuts catechet(a)s munta a 2 dis entirs u 4 mezs dis ad onn. Il perfecziunament po vegnir frequentà durant il temp da scola, duai dentant vegnir communitgà ad uras al parsura ed al scolast da classa. Quaderns da testat per confermar ils perfecziunaments ponn vegnir retratgs tar il post da spezialisaziun scolaziun. Igl è en l'interess da las plaivs che catechet(a)s sa perfecziuneschan regularmain. Ellas vegnan intimadas da betg mo pussibilitar perfecziunaments a catechet(a)s, mabain da declerar tals sco obligatorics. Il perfecziunament obligatoric annual vegn indemnisà finanziailmain.

18 VISITAZIUNS

Il manader dal post da spezialisaziun "instruziun da religiun" fa regularmain visitas da l'instrucziun religiosa en scola tenor quadern da duairs e pensum episcopal («Missio

¹⁰ Cump. er là. art. 8.

¹¹ Cump. er là. art. 8.

¹² Perfecziunament munta en general il svilup da las cumpetenzas dal fatg u persunalas en il context professiunal. In singul perfecziunament cuntegna perencunter l'adattaziun da novas cumpetenzas professiunalas en l'ambient professiunal usità e consista savens da moduls pli lungs.

canonica»). Las visitas servan a la controlla da la materia instruida a maun dal plan d'instrucziun sco era a la cussegliaziun dal persunal d'instrucziun en dumondas dal fatg e dumondas didacticas davart l'instrucziun da religiun. Ellas gidan quattras a segirar la qualidad.

19 GRONDEZZA DA LAS CLASSAS

La grondezza da la classa sa drizza tenor la lescha da scola (artitgel 23). Il dumber da scolar(a)s na duai per regla betg surpassar 24 e betg sutpassar tschintg. Per classas d'instrucziun da religiun cun in dumber sut tschintg scolar(a)s tschertga la plaiv en collavuraziun cun il post da spezialisaziun «instrucziun da religiun» soluziuns individualas. Savens èsi inevitabel che scolar(a)s da pliras classas visitan ensemen l'instrucziun da religiun. I vegn cusseglia en vista a las relaziuns socialas dad er en in tal cas betg sutpassar il dumber da tschintg scolar(a)s.

PAJAMENT

20 DRETG SIN PAJAMENT

Artitgel 5 da la [«Ordinaziun davart l'engaschament e pajament da catechet\(a\)s»](#) prescriba, che catechet(a)s vegnian pajads tenor la [Tabella da pajament per la scola populara e per la scolina dal chantun Grischun](#). Plinavant prescriba l'artitgel ch'i vala per la scola primar la categoria persuna d'instrucziun dal fatg scola primara e per la scola secundara (ciclus 3) la categoria persuna d'instrucziun dal fatg scola secundara I (cump. tabella da pajament en l'aggiunta). Premissa per il pajament da l'instrucziun da religiun en la categoria adequata è la terminaziun cun success dal model dal stgalim correspondent da scolaziun ForModula.¹³

Il pajament da la lavur +X s'orientescha a la categoria, en la quala catechet(a)s instrueschan la gronda part da las lecziuns. Sco perfecziunament specific èn adattads ils moduls 29 «Projects cun giuvenils» u il modul 12 «Catechesa da vischnanca» da ForModula.

Catechesa sacramentala ordaifer la scola vegn indemnisada tenor la vegliadetgna dals uffants e giuvenils en la categoria correspondent da l'instrucziun da religiun. Premissa è la terminaziun cun success dal modul ForModula correspondent.¹⁴

Sa cumpona il pensum da lavur da catechet(a)s da differentas parts d'occupaziun, sa cumpona er il pajament correspondent als pertschients entaifer questas parts d'occupaziun (cump. chapitel 25 «Exempel concret»).

La determinaziun dal pajament d'entschatta sco era las auzadas da stgalims da pajament stattan en la cumpetenza da la suprastanza da la plaiv.¹⁵

¹³ moduls 6, 8 e 10.

¹⁴ moduls 18, 19 e 20.

¹⁵ cump. er là. art. 5 e 6.

PENSUM DA LAVUR

21 CALCULAZIUN DAL TEMP DA LAVUR E DA LA PROCENTUALA DA LA PLAZZA

Cunquai che catechet(a)s en il chantun Grischun vegnan indemnisd(a)s tenor la tabella da pajament per la scola primara e la scolina dal chantun Grischun, sa drizza er il pensum da lavur tenor las prescripziuns chantunalas.

Basa ¹⁶	Temp da lavur emnil previs		43	uras
	Dis da lavur emnils		5	dis
	Dretg da vacanzas ¹⁷		4	emnas
	Firads e dis libers ¹⁸ (Betg resguardà termins locals)		13	dis

Calculaziun	52 emnas	à	43	2'236 uras
	4 emnas vacanzas		43	208 uras
	13 firads e dis libers		8.6	112 uras
	Temp da lavur annual (29 lecziuns)	100 %		1'916 uras
	1 lecziun annuala	3.5 %		66 uras/ onn

Basas per la calculaziun dal pensum da lavur da catechet(a)s èn il temp da lavur annual da 1'916 uras ed il 3.5 pertschient da piazza per lecziun (cump. latiers il chapitel «exempel da calculaziun»).

22 LAUVUR ORIENTADA A PROJECT EN IL +X

Cun il +X sa transpona la lavur da catechet(a)s dal context scolastic en quel ordaifer la scola.¹⁹ Sco già menziunà sut nummer 12 «Furma d'engaschament» ha quai consequenzas per l'occpuaziun. La lavur ordaifer la scola dal +X na po betg pli vegnir contestada en lecziuns. Il pensum da lavur per projects, eveniments, excursiuns, fin d'emnas u champs vegn calculà tenor uras da lavur. Il dumber e la grondezza da l'engaschament en il +X defineschan la procentuala da piazza (cump. latiers il chapitel «exempels da calculaziun»). Inversamain definescha la procentuala da classa il rom per il dumber e la grondezza da l'engaschament +X.

EXEMPELS DA CALCULAZIUN

23 INSTRUCZIUN DA RELIGIUN

Èn catechet(a)s engaschad(a)s sulettamain en l'instrucziun da religiun, sa calculescha il temp da lavur annual respectivamain la procentuala da piazza tenor las lecziuns instruidas. Per

¹⁶ Vgl. Personalgesetz des Kantons Graubünden, Artikel 49.

¹⁷ cump. er là. artitgel 4.

¹⁸ cump. Ordinaziun davart il temp da lavur dal chantun Grischun artitgel 9 e 10.

¹⁹ cump. latiers: post da spezialisaziun per lavur ecclesiasta da giuvenils, «Lavur orientada a projects en il +X», 2018.

lecziun annuala à 66 uras da lavur (3.5%) annualas è la preparaziun da la lecziun, ina saira da geniturs e sesidas che pertutgan directamain l'instrucziun da religiun inclusa. Vegnan latiers en il rom da l'instrucziun religiusa ulteriurs pensums sco partecipaziun ad ulteriuras sesidas (p.ex. cussegl da la plaiv), preparaziun da messas da scola, messas da famiglia, e.u.v., è la procentuala d'engaschament d'auzar per lecziun tut tenor ils pensums supplementars per 4% u per 5%.

Dumber da lecziuns	3.5 % per lecziun	Uras per onn	4 % per lecziun	Uras per onn	5 % per lecziun	Uras per onn
1 lecziun	3.5%	66	4%	76	5%	96
2 lecziuns	7%	132	8%	152	10%	192
3 lecziuns	10.5%	198	12%	228	15%	288
4 lecziuns	14%	264	16%	304	20%	384
5 lecziuns	17.5%	330	20%	380	25%	480
6 lecziuns	21%	396	24%	456	30%	572
7 lecziuns	24.5%	462	28%	532	35%	672
8 lecziuns	28%	528	32%	608	40%	768
9 lecziuns	31.5%	594	36%	684	45%	864
10 lecziuns	35%	660	40%	760	50%	960
e.u.v.	e.u.v.	e.u.v.	e.u.v.	e.u.v.	e.u.v.	e.u.v.

24 SECTUR D'OCCUPAZIUN +X

Han catechet(a)s sper l'instrucziun da religiun il pensum da tractar la catechesa sacramentala ordaifer e/u en il rom dal +X manar projects, eveniments e.u.v., ston las activitads planisadas vegnir agiuntadas en furma d'uras da lavur respectivamain procentualas da piazza (calculaziun mira tabella sura). Lavuran catechet(a)s sulettamain en il +X sa cumpona il pensum da lavur da las activitads planisadas u da la procentuala da piazza messas a disposiziun da la plaiv.

Pensum en il +X	Descripziun	Uras da lavur
Lavur da tschep	Lavur conceptuala ²⁰ , planisaziun annuala sedutas (Team da la plaiv, suprastanza da la plaiv, evtl. accompagnament tras posts da spezialisaziun da la Baselia) lavur da relaziun telefonats, e-mails discurs, inscunters <i>pauschal per onn</i>	50

²⁰ Reflexziun da l'onn passà (p.ex. finamiras da l'onn), rapport annual, definir finamiras da l'onn, direcziun dal +X, studi da litteratura dal fatg e.u.v.

Lavur publica	Texts Fegl parochial acziuns da reclama evtl. rapports da medias <i>pauschal per onn</i>	15
Messas Messas d'uffants, da giu- venils, da famiglias e da scola; catechesa sacra- mentala	Eleger texts, uraziuns e chanzuns scriver texts ed uraziuns fixar la successiun (div. discours, telefonats) realisaziun <i>per messa – manar</i>	15 -20
	<i>per messa – sustegnair</i>	5 - 10
Saira tematica p.ex. à 2 uras en il rom da la preparaziun a la craisma, saira da geniturs u d'infurmaziun	Confruntaziun cun il tema / cuntegn planisar e realisar successiun (div. discours) invit, correspundenza, telefonats realisaziun e reflexiun <i>per saira tematica – manar</i>	8
	<i>per saira tematica – sustegnair</i>	4
Suentermezdi tematic p.ex. à 4 uras en il rom da la preparaziun sin l'emprima communiun	Confruntaziun cun il tema / cuntegn planisar e realisar successiun (div. discours) invit, correspundenza, telefonats realisaziun e reflexiun <i>per saira tematica – manar</i>	16
	<i>per suentermezdi tematic – sustegnair</i>	8
Excursiun p.ex. visita claustra, activ- itads en il liber: parc da raiver, e.u.v.	Contact destinaziun d'excursiun, organisaziun dal viadi, div. scleriments e.u.v. reclama, invit, correspundenza, telefonats realisaziun e reflexiun	15 – 20
Champ da fin d'emna p.ex. fin d'emna per uf- fants e giuvenils u champ, Taizé, catechesa sacra- mentala	Visita, contact destinaziun d'excursiun u chasa da champs, organisaziun dal viadi, material e.u.v. planisar il program, sedutas reclama, invit, correspundenza, telefonats saira d'infurmaziuns realisaziun e reflexiun <i>per di da champ – manar</i>	15 – 20
	<i>per di da champ – sustegnair</i>	10 – 12
Projects p.ex. cun uffants e giuve- nils	Iniziaziun, emprims discours/sedutas e scleriments, evtl. realisaziun d'in team da project formular descripziun dal project (finamiras, budget e.u.v.) sedutas, planisaziun project reclama, correspundenza, telefonats realisaziun e reflexiun → planisar temp avunda per la preparaziun dal project!	Tut tenor la grondezza dal project

25 EXEMPEL CONCRET

Catechet(a)s instruivan enfin l'onn da scola 2017/2018 diesch lecziuns instrucziun religiusa, inclus preparaziun per la craisma entaifer l'instrucziun religiusa. Sco consequenza dal modell 1+1+X sa reducescha il pensum d'instrucziun sin tschintg lecziuns. Quai influenzescha la via da la craisma che vegn organisada da nov ordaifer la scola. La suprastanza da la plaiv surdat a catechet(a)s plinavant in pensum da 20 % per elavurar il +X.

	Instrucziun religiusa	Catechesa sacramentala	+X
Dimensiun approximativa	5 lecziuns: 2 scola primara 3 scola secundara I	Preparaziun per la craisma ordaifer la scola (2./3. ss)	Elavuraziun +X
Descripziun	Ina messa per classa: p.ex. rusaris, messas da famiglia, messa da giuvenils → per lecziun 4 procentualas da piazza	Lavur da concept Organisaziun, 1 saira d'infurmaziun 5 sairas tematicas 1 excursiun 1 messa emprova principala messa da craisma reflexiun via da la craisma	Lavur da tschep, cunzunt lavur da relaziun cun la gruppa da finamira Lavur publica 1-2 projects cun giuvenils
Uras da lavur annualas	380 uras da lavur	190 – 200 uras da lavur	380 uras da lavur
Procentuala	20%	10%	20%
	50 procentuala da piazza cun in temp da lavur annuala da 960 uras		
Pajament	8% categoria «Persuna d'instrucziun dal fatg primara» 12% categoria «Persuna d'instrucziun dal fatg secundara I»	10% categoria «Persuna d'instrucziun dal fatg secundara I»	20% Kategorie «Persuna d'instrucziun dal fatg secundara I»

POST DA SPEZIALISAZIUN DA LA BASELgia CATOLICA DAL GRISCHUN

Las persunas dal fatg da la Baselia catolica dal Grischun stattan gugent a Vossa disposiziun.

Scolaziun ForModula

Paolo Capelli

paolo.capelli@gr.kath.ch

081 254 36 07

Lavur ecclesiasta da juvenils / catechesa da vischnanca

Claude Bachmann

claude.bachmann@gr.kath.ch

081 254 36 05

Instrucziun religiosa

Vitus Dermont

vitus.dermont@gr.kath.ch

081 254 36 09